


Cumegn Albula/Alvra



Reglamaint tar la lescha davart igl urden da sepultura e da santieri digl cumegn Albula/Alvra (Reglamaint da sepultura; RdS)

Mess an vigour dalla supranza communal per igls 01.01.2018

Reglamaint tar la lescha davart igl urden da sepultura e da santieri digl cumegn Albula/Alvra (Reglamaint da sepultura; RdS)

Sen basa digl art. 20 alinea 2 dalla lescha davart igl urden da sepultura e da santieri digl cumegn Albula/Alvra, ò la suprastanza communal decidia:

I. Determinaziuns generalas

Art. 1 Validitad

Las determinaziuns specificas per igls singuls santieris vignan regladas ainten l'aggiunta. Ellas on precedenza anvers las determinaziuns da chest reglamaint.

II. Urden da sepultura

Art. 2 Ouras da sepultura

Las sepulturas on d'aveir li per regola tranter las 09.00 h e las 16.00 h, igl è da piglier risguard sen usits locals.

Art. 3 Tutgiez da mort

¹ Per tottas sepulturas vign igl tutgiez da mort exequia digl caloster an incumbensa digl cumegn politic u mintgamai digl cumegn-baselgia, tenor igl usit local. Sen giaveisch expressiv digls confamigliars, pò neir desistia da tal.

² Igl cumegn fixescha igls usits pertutgont igl tutgiez da mort an furma scretga.

III. Urden da santieri

Art. 4 Urnas ainten fossas existentas

Ena sepultura posterioura d'urna u da tschendra ainten ena fossa da retschas premetta, tgi la fossa da retschas na vigna prevediblamaintg betg rumageda aint igls proxims 5 onns.

Art. 5 Profunditad dalla fossa

Las fossas on da neir tgavadas or tenor las suandontas profunditads minimalas:

- a. fossas da retschas per carschias 1.50 m;
- b. fossas da retschas per unfants 1.20 m;
- c. fossas d'urna 0.80 m;
- d. urnas ainten fossas existentas 0.80 m.

Art. 6 Monumaint da fossa

Sen ena fossa da retschas ò da neir pusto en monumaint da fossa. Sen ena fossa da retschas u ena fossa d'urna dastga neir pusto angal en monumaint da fossa. Per sepulturas posteriouras d'urna u da tschendra ainten ena fossa da retscha gio duvrada, pò igl monumaint da fossa neir amplifitgia u neir aggiunto anc ena platta d'inscripziun supplementara.

Art. 7 Monumaints da fossa e reschlas

La posiziun digls monumaints da fossa, las maseiras e las reschlas admissiblas èn inditgeidas ainten l'aggiunta agl reglamaint.

Art. 8 Fundamaints

Igls monumaints da fossa duessan neir pustos sen ena platta morta massiva tgi corresponda a lour grondezza e peisa e colliias cun tala professiunalmaintg. Schi igl taratsch è schalo u bletschanto dastgan neir pustos nigns fundamaints u monumaints da fossa.

Art. 9 Termin per pustar igl monumaint da fossa ed inscripziuns

¹ Igl monumaint da fossa scu er la reschla, duessan neir mess ve igl pi bod 6 meis ed igl pi tard 12 meis siva dalla sepultura.

² Fossas d'urna on da neir inscretgas ainfer 3 meis siva dalla sepultura.

³ Fossas communablas vignan inscretgas sen giaveisch digls confamigliars antras igl cumegn ainfer 3 meis.

Art. 10 Mantignamaint e tgira

¹ Plantas decorativas dastgan betg passar sur las varts lateralas dalla reschla or.

² Plantas, tgi restranschan las fossas vaschignas antras l'otrezza ed extensiun, on da neir tagledas u allontanadas.

³ I dastgan neir amplantadas nignas plantas.

⁴ Sen las fossas communablas dastgan neir lascheas ornamentals da flours ed arranschaments da fossa individuals anfignen en meis siva dalla sepultura.

⁵ Tschapels, vaschela ed oter rusment ò da neir surdo alla dismesa da rusment. Flours, zarclem ed oters rusments organics pon neir dismess aint igls recipiants da rimnada tgi stattan a disposiziun.

Art. 11 Veias da gera

Veias da gera vignan erigidas e mantigneidas digl cumegn.

IV. Tariffas da taxas

Art. 12 Taxas da sepultura per persungas cun igl davos domicil aint igl cumegn

¹ Taxas da sepultura	Unfants*		Carschias	
Sepultura usitada ainten ena fossa da retschas	CHF	0.00	CHF	700.00
Sepultura d'urna u tschendra ainten ena fossa da retschas	CHF	0.00	CHF	200.00
Sepultura d'urna u tschendra ainten ena fossa d'urna**	CHF	300.00	CHF	500.00
Sepultura d'urna u tschendra ainten ena fossa d'urna, Stierva	CHF	0.00	CHF	200.00
Sepultura d'urna u tschendra ainten ena fossa existenta	CHF	0.00	CHF	200.00
Sepultura d'urna u tschendra ainten la fossa communabla	CHF	0.00	CHF	300.00

* anfignen 7 onns

** las plattas d'inscripziun per las fossas d'urna èn cumpigleidas ainten las taxas da sepultura (CHF 300.00).

² Segl santieri da Stierva dattigl nignas plattas d'inscripziun per fossas d'urna. Igls costs digl monumaint da fossa scu er dalla reschla dalla fossa d'urna von a gravezza digls confamigliars.

³ Igls costs per l'inscripziun dallas plattas d'inscripziun resp. dallas tavlas dallas fossas (fossa communabla) von a gravezza digls confamigliars.

Art. 13 Taxas da sepultura per persungas sainza igl davos domicil aint igl cumegn

¹ Taxas da sepultura	Unfants*		Carschias	
Sepultura usitada ainten ena fossa da retschas	CHF	0.00	CHF	1'400.00
Sepultura d'urna u tschendra ainten ena fossa da retschas	CHF	0.00	CHF	400.00
Sepultura d'urna u tschendra ainten ena fossa d'urna**	CHF	300.00	CHF	700.00
Sepultura d'urna u tschendra ainten ena fossa d'urna, Stierva	CHF	0.00	CHF	400.00
Sepultura d'urna u tschendra ainten ena fossa existenta	CHF	0.00	CHF	400.00
Sepultura d'urna u tschendra ainten la fossa comunabla	CHF	0.00	CHF	600.00

* anfignen 7 onns

** las plattas d'inscripziun per las fossas d'urna èn cumpigleidas ainten las taxas da sepultura (CHF 300.00).

² Segl santieri da Stierva dattigl nignas plattas d'inscripziun per fossas d'urna. Igl costs digl monumaint da fossa scu er dalla reschla dalla fossa d'urna von a gravezza digls confamigliars.

³ Igl costs per l'inscripziun dallas plattas d'inscripziun resp. dallas tavlas dallas fossas (fossa comunabla) von a gravezza digls confamigliars.

Art. 14 Diversas taxas

Far adiever da prestaziuns da sarvetsch vign chinto tenor angaschamaint e conform alla lescha davart las tariffas generalas digl cumegn Albula/Alvra.

Art. 15 Paiamaint

Las taxas on da neir messas a chint per regla ainfer 30 deis siva dalla sepultura.

V. Determinaziuns finalas

Art. 16 Vigour

¹ Chest reglamaint vo an vigour per igl 1. da schaner 2018.


² Cun l'antrada an vigour da chest reglamaint vignan dissolveidas tottas determinaziuns dad oters decrets tgi stattan an cuntradicziun cun tal.

Igl mastral



Daniel Albertin

Igl scrivant da cumegn



Maurus Engler